



Ofisina Sentral di Statistik

Informashon: (+599 9) 724-1802

WhatsApp: (+599 9) 5202227

Adrès: WTC Building,

Piscaderabay s/n

E-mail: info@cbs.cw

Website: www.cbs.cw

Komunikado

Willemstad, 22 yuli 2025

CBS ta publiká promé resultadonan di Enkuesta Sosial 2025 na Kòrsou

Willemstad – Ofisina Sentral di Statistik (CBS) ta publiká awe algun resultado di Enkuesta Sosial ku wòrdu ehekutá na luna di **sèptèmber i novèmber 2025** na Kòrsou.

Enkuesta Sosial ta komparabel ku un *Omnibus*: un enkuesta ku ta kolektá informashon riba diferente área sosial i ekonómiko den un solo enkuesta. Esaki ta duna un bista amplio tokante kon bidanan, famianan i e komunidad di Kòrsou ta desaroyá.

Durante di Enkuesta Sosial 2025 a kubri e siguiente temanan: ICT & Media, Salubridat, Enseñansa, Partisipashon na deporte i aktividatnan kultural, Viktimashon, Bibienda, Labor i Koheshon Sosial.

Den e publikashon aki ta presentá e promé resultadonan di **Enkuesta Sosial**, manera a menshoná anteriormente. Komo esaki ta un promé eksplorashon di e resultadonan, den e publikashon aki no ta hasi komparashon entre diferente tema, entre pregunta individual den mes tema, ni entre diferente aña.

Algun Resultado:

- **Enseñansa** : gran parti di e poblashon di Kòrsou tin komo nan nivel di edukashon mas haltu enseñansa profesional básiko (LBO) (20,3%) òf enseñansa profesional sekondario (SBO nivel 2–4) (17,7%).
- **Salubridat** : En total, 50,8% di e respondentenan a bishitá un dokter di kas den e último seis luna. 49,2 % no a bishitá un dokter di kas den e último seis luna.

- **ICT:** 83,6% di e kasnan di famia na Kòrsou tin un konekshon di internet na kas. E sobra 16,4% di kasnan na Kòrsou a duna di konosé ku nan no tin un konekshon di internet na kas.
- **Media :** For di e resultatnan ta sali na kla ku 77,4% di e respondentenan a indiká ku nan ta hasi uso di social media. E sobra 22,6% a indiká ku nan no ta hasi uso di social media. WhatsApp ta e plataforma di social media mas usá ku 90,5%, sigui pa Facebook (78,1%) i YouTube (57,5%).
- **Koheson Sosial :** Algu mas ku mitar di e kasnan di famia no tin suficiente entrada pa paga debe i interes riba debe (53,6%). 46,4% di kasnan di famia si ta di opinión ku nan por paga nan debe i interes riba debe. 63,2% di kasnan di famia ta di opinion ku nan entrada ta suficiente pa por kome salu. Di otro banda 36,8% ta pensa ku nan entrada no ta suficiente pa por kome salu.
- **Partisipashon na aktividatnan di deporte i kultural :** 36,1% di e poblashon di 5 aña i mas a indiká ku nan a partisipá na aktividatnan deportivo den e lastu 12 lunanan. 63,9% a duna di konosé ku nan no a partisipá na aktividatnan deportivo den e lastu 12 lunanan.

Viktimashon : Mas ku mitar di e respondentenan (53,1%) a indiká ku nan ta sinti nan mes hopi sigur anochi ora nan ta kana den bario nan so. 14,4% a duna di konosé ku nan ta sinti nan mes sigur, 4,1% ta sinti nan mes un tiki insigur i 2,5% ta sinti nan mes hopi insigur. E sobra di e respondentenan a duna di konosé ku nan no sa kana den bario nan so anochi (25,8%).

Lo publiká rapòrtan separá den kurso di e aña aki ku ta bai mas profundo riba e diferente temanan.

CBS ke gradisí tur kasnan di famia ku a partisipá na e enkuesta aki pa nan kontribushon. Danki na nan koperashon tabata posibel pa kolektá informashon estadístiko konfiabel i representativo tokante e situashon sosial na Kòrsou.

Por download e publikashon aki kompleto usando e lenk aki: <https://www.cbs.cw/resultaten-enkuesta-sosial-2025>